



Borite se na Allahovom putu, jer ko se bori na Allahovom putu, toliko vremena koliko je između dvije mužnje deve, obavezan mu je Džennet.

Ebu-Hurejre, radijallahu 'anhu, prenosi: "Jedan od ashaba Allahovog Poslanika, sallallahu alejhi ve sellem, naišao je na jednu planinsku uvalu u kojoj bijaše jedan mali izvor vode, pa mu se to svidjelo, pa je rekao: 'Kad bih se izolirao od svijeta i nastanio u ovoj uvali, ali to neću učiniti sve dok mi ne dozvoli Allahov Poslanik, čiju ću dozvolu zatražiti.' Taj je ashab saopćio Allahovu Poslaniku svoju odluku, pa mu Poslanik, s.a.v.s., reče: 'Nemoj to činiti. Vaša borba na Allahovom putu bolja je od obavljanja namaza u kući sedamdeset godina. Zar vi ne želite da vam Allah oprost i da vas uvede u Džennet? Borite se na Allahovom putu, jer ko se bori na Allahovom putu, toliko vremena koliko je između dvije mužnje deve, obavezan mu je Džennet.'" (Tirmizi, hasen)

[Hadis je hasen (dobar)] [Hadis bilježi Tirmizi - Hadis bilježi imam Ahmed]

Značenje hadisa: Jedan čovjek od ashaba Allahovog Poslanika, sallallahu alejhi ve sellem, naišao je na jednu planinsku uvalu u kojoj bijaše jedan mali izvor vode, pa mu se to svidjelo, a volio je da se izoluje od ljudi i izrazio je želju da tu boravi, obožava Allaha i pije sa tog izvora. Međutim, on je rekao: "To neću učiniti sve dok mi ne dozvoli Allahov Poslanik, čiju ću dozvolu zatražiti." Taj je ashab saopćio Allahovu Poslaniku svoju odluku, pa mu Poslanik, s.a.v.s., reče: "Nemoj to činiti.", jer mu je borba bila obavezna, pa mu njegovo odvajanje radi dobrovoljnog ibadeta bilo grijeh, jer bi tako napustio obavezu. Potom je rekao: "Vaša borba na Allahovom putu bolja je od obavljanja dobrovoljnog namaza u kući sedamdeset godina.", jer džihad je koristan i drugima, dok od namaza samo on ima koristi. "Zar vi ne želite da vam Allah oprost i da vas uvede u Džennet?", tj. ako želite da vam Allah oprost i da u Džennet uđete, onda se borite, strpljivo nadajući se nagradi. Potom je pojasnio vrijednost borbe: "Borite se na Allahovom putu, jer ko se bori na Allahovom putu, onoliko vremena koliko je između dvije mužnje deve, obavezan mu je Džennet.", tj. ko se bude borio da Allahova riječ bude gornja, sigurno će ući u Džennet, pa makar njegovo učešće u džihadu bilo kratko.

النجاة الخيرية
ALNAJAT CHARITY

